



EBAZPENA, 2019ko uztailaren 15ekoa, Ikastetxe eta Plangintza zuzendariarena. Honen bidez, Euskal Autonomia Erkidegoko Hizkuntza Eskola Ofizialetako aurrez aurreko eta erdiprezentzialesko hizkuntza-ikastaro ofizialetan ikasleak 2019-2020 ikasturterako onartu eta matrikulatzeko prozedura deitzen da.

1041/2017 Errege Dekretuak, abenduaren 22koak, Egiaztapenaren ondoreetarako oinarrizko mailaren gutxieneko eskakizunak finkatzen eta Hezkuntzaren maiatzaren 3ko 2/2006 Lege Organikoak arautzen duen araubide bereziko hizkuntza ikasketen B1 tartekoa, B2 tartekoa, C1 aurreratua eta C2 aurreratua mailen oinarrizko curriculuma eta zenbait ikasketa planetan araututako araubide bereziko hizkuntza-ikasketen eta errege-dekretu honetakoen arteko baliokidetzak ezartzen ditu.

80/2019 Dekretuak, maiatzaren 21ekoak, Euskal Autonomia Erkidegoan araubide bereziko hizkuntza-irakaskuntzen ezarpena xedatzen du, irakaskuntza horietako oinarrizko A1 mailaren, oinarrizko A2 mailaren, tarteko B1 mailaren, tarteko B2 mailaren, C1 maila aurreratuaren eta C2 maila aurreratuaren curriculumarekin batera.

Hezkuntza, Hizkuntza Politika eta Kulturako sailburuaren 2013ko uztailaren 3ko Aginduaren bidez, Euskal Autonomia Erkidegoko Hizkuntza Eskola Ofizialetan ikasleak onartu eta matrikulatzeko modua arautzen da.

Agindu horren 3. artikulua ezartzen duenez, urtero-urtero deialdi bat egingo da ikasleak onartu eta matrikulatzeko prozesua aurrera eramateko, eta horretarako, Ikastetxeen zuzendariak ebazpena eman, eta Hezkuntza Saileko web orrian argitaratuko da. Artikulu horretan jaso denez, Ebazpen honetan arautuko dira eskaerak aurkezteko era eta lekua, eskaerekin batera aurkeztu beharreko dokumentazioa eta prozeduraren fase bakoitzeko epeak.

Ondorioz,hau

EBATZI DUT:

1.artikulua.- Xedea eta aplikatu beharreko araubidea.

1.- Ikasleak onartu eta matrikulatzeko prozedura deitzen da, 2019-2020 ikasturtean hizkuntza-ikastaroak aurrez aurre eta erdiprezentzialeskoak ofizialki ikasteko Euskal Autonomia Erkidegoko Hizkuntza Eskola Ofizialetako irakaskuntzek dituzten honako maila hauetan: Oinarrizko maila (A1 eta A2), Tarteko maila (B1 eta B2) eta maila Aurreratuan (C1). Prozedura hori garatzeko ebazpen honetako I. Eranskinean finkatzen den egutegiari erreparatuko zaio.

2.- Erkidego honetan eskainiko diren mailak, Oinarrizko A1etik Aurreratua C1era artekoak, sei ikasturtetan antolatuko dira:

Oinarrizko maila, bi ikasturte: A1, A2.

Tarteko maila B1, ikasturte bat.

Tarteko maila B2, bi ikasturte B2.1, B2.2

Maila Aurreratua C1, ikasturte bat.



3.- Deialdi hau arautzen dute, batetik, Hezkuntza, Hizkuntza Politika eta Kulturako sailburuak 2013ko uztailaren 3an emandako Aginduak (Agindu horren bidez, Euskal Autonomia Erkidegoko Hizkuntza Eskola Ofizialetan ikasleak onartu eta matrikulatzeko modua arautzen da, eta EHAAan argitaratu zen 2013-07-22an) eta bestetik 80/2019 Dekretuak, maiatzaren 21ekoak, Euskal Autonomia Erkidegoan araubide bereziko hizkuntza-irakaskuntzen ezarpena xedatzen duenak, irakaskuntza horietako oinarritzko A1 mailaren, oinarritzko A2 mailaren, tarteko B1 mailaren, tarteko B2 mailaren, C1 maila aurreratuaren eta C2 maila aurreratuaren curriculumarekin batera.

2.artikulua.- Baldintzak, prozedura eta baremoa.

1.- Hizkuntza-eskola ofizialetan matrikula egiteko ezinbestekoa izango da matrikula egiten den urtean hamasei urte beteta izatea. Salbuespen gisa, matrikula egin ahal izango dute, baita ere, Derrigorrezko Bigarren Hezkuntzan lehen hizkuntza gisa ikasitako hizkuntza ez den beste bat erregimen ofizialean ikasi nahi duten ikasleak, ikasketak hasten diren urtean hamalau urte beteta badituzte.

2.- Ikasleek ezin izango dute gaztelania ikasteko matrikula egin haien herrialdeetako hizkuntza ofiziala gaztelania bada.

3.- Aurreko deialdiren batean maila jakin batean matrikulatuta egon diren pertsonak ezin izango dute maila baxuago batean matrikula egin, ez eta gaindituta duten maila batean edo baxuagoan ere. Horretarako, kontuan hartuko dira baita ere aurreko ikasketa-planetan gainditutako mailak, matrikula egiteko unean daudenen baliokideak direnak legez.

4.- Ikasturte berean eta hizkuntza bererako, ikasleek ezin izango dute aldi berean erregimen ofizialean eta librean matrikula egin.

5.- Pertsona bakoitzak gehienez hiru eskaera bete ahal izango ditu.

6.- Aurrez-aurreko prestakuntza-eskaintza goizez edo arratsaldez izan ahalko da. Arratsaldeko ordutegia 14:00etatik aurrera hasiko da. Ikastetxe bakoitzak publikoa egingo du bere eskaintza matrikula epea zabaldu aurretik. Prestakuntza-eskaintzan zehaztuko da zein diren talde erdipresentzialak.

7.- Taldeak osatu ahal izateko, ikasgelako gutxienez 10 ikasle behar dira izan matrikulatuta matrikulazioaren lehenengo fasea bukatu ondoren. Gutxienerako hori ez badago talderen batean Ikastetxe eta Plangintza Zuzendariak salbuespen gisa eta arrazoiak aztertuta, taldeak osatzea baimendu ahal izango du. Talde bat osatzen ez bada, ikastetxeak eskaintza alda dezake.

8.- Eskaintza erdipresentziala bi fase nagusitan garatuko da: alde batetik urrutiko (on-line) fasea edo ikasleak klasetik kanpo egin beharreko lana izango du, eta bestetik aurrez aurreko fasea edo ikasgelan irakaslearekin eta beste ikaskideekin elkarlanean egin beharrekoa.

9.- 2013ko uztailaren 3ko Aginduaren arabera, prozedura egingo da, lehentasunak aplikatu, eskabideak barematu beharko diren egoerak zehaztu eta baremoa aplikatuko da, aplikatu behar denean. Eskabidean alegatutako eta eskabideak aurkezteko epea bukatzen den egunera arte egindako meritua baino ez dira barematuko.



3.artikulua.- Tokiak esleitzeko lehenengo fasea. Aurkeztu beharreko eskaerak eta dokumentazioa.

1.- Esleipenaren lehenengo fasean, eskabidea aurkeztu beharko dute 2019-2020 ikasturtean Hizkuntza Eskoletan onartuak izan eta matrikula egin nahi duten guztiek, salbu maila berean matrikulatuta egon daitezkeen ikasturte guztiak agortuta dituztenak.

2.- 2019ko irailaren 1etik 18a arte, biak barne, 13:00ak arte, aurkeztu ahal izango dira eskabideak. 2018-2019 ikasturtean matrikulatuta egon eta ekaineko deialdia gainditu ez duten ikasleek 2019ko irailaren 14etik 18ra, biak barne, 13:00ak arte, bakarrik aurkeztu ahal izango dute eskaera, behin iraileko deialdiaren emaitzak jakin ondoren.

3.- Eskabidea egiteko Ikasgunean erregistratzea beharrezkoa izango da, NAN, AIZ edo HNA (Hezkuntzako Nortasun Agiria) zenbakiarekin. Behin erregistratuta, Ikasgunearen bidez bete ahal izango dute eskabidea interesdunek.

4.- AIZ edota NAN agiririk ez duten atzerritarrek, HNA (Hezkuntzako Nortasun Agiria) eskatu behar izango dute Hizkuntza Eskola Ofizialean, baldin eta lehenagotik ez badute. Kasu horietan guztietan eskolak berak egingo du eskabidea.

5- Eskaerak formatu elektronikoa (on-line) aurkeztuko dira, horretarako hezkuntza arloan eskumena duen sailak gaitu duen aplikazio informatiko baten bitartez. <https://ikasgunea.euskadi.eus>. Eskatzen den dokumentazio guztia ikasgunearen bidez aurkeztu ahal izango da.

6.- Pertsona batek bi hizkuntzatan edo gehiagotan matrikulatu nahi badu, eskabide bat aurkeztu beharko du hizkuntza bakoitzeko.

7.- Eskatzaileek eskabide bakar bat eta eskola bakar batean egin ahal izango dute hizkuntza bakoitzeko. Ez dira onartuko hizkuntza bererako hainbat eskolatan eta/edo mailatan aurkeztutako eskabideak.

8.-Eskolako hezkuntza-eskaintzan bi kurtso jarraian ematen dituen talderik badago, bi kurtsoetako matrikula egin ahal izango dute talde horietan matrikulatzen diren pertsonak.

9.- Hizkuntza Eskolak egiaztatuko ditu nortasuna, datuak, baldintzak betetzen diren ala ez, eta barematu beharreko egoerak, betiere Administrazio Elektronikoari buruzko 21/2012 Dekretuko bigarren xedapen gehigarrian jasotzen den Datuak Egiaztatze Zerbitzuaren bidez, salbu hurrengo atalean adierazitako egoeretan; kasu horretan, eskatzaileak berak egiaztatu beharko ditu agiri bidez.

10.- Dokumentazioa aurkeztu. Ondorengo ataletan azaltzen den dokumentazio guztia ikasgunearen bidez aurkeztu ahal izango da <https://ikasgunea.euskadi.eus> edo eskaera egin den eskolan, betiere 2019ko irailaren 18ko 13:30ak arteko epe muga kontuan hartuta. Aurkeztu behar den dokumentazioa:

a)Desgaitasunen bat alegatzen dutenek edo, adin txikikoa izanik, aitaren, amaren, legezko tutorearen edo anaia edo arrebaren baten desgaitasuna alegatzen dutenek: 2013ko uztailaren 3ko Aginduaren 17. artikuluan eskatzen diren egiaztatgiriak aurkeztu beharko dituzte.



b) Familia Ugaria direnek, Euskal Autonomia Erkidegokoak salbu, beste Autonomia Erkidego batek luzatutako titulu ofiziala aurkeztuko dute. Dokumentu hori eskatutako hizkuntza-eskola ofizialean aurkeztu behar izango da Ebazpen honetan zehazten den epean. Dagokion dokumentua aurkezten ez bada, eskatzailea prozesutik kanpo geratuko da, eta ordaindutako zenbatekoa itzultzeko eskubiderik ez du izango.

Euskal Autonomia Erkidegokoak emandako Familia Ugarien tituluen kasuan, ofizioz egiaztatuko dira Administrazioak duen informazioarekin erkatuta. Ezin badira datuak ofizioz egiaztatu, eskatzaileak dagokion dokumentazioa aurkeztu beharko du plaza eskatu duen hizkuntza-eskolan edo Ikasgunearen bidez, epe barruan.

c) Lanbide-egoerari buruzko baremo-atala aplikatzeko eskatzaileak aurreko ikasturtean eman baditu klaseak itundu ez den ikastetxe pribatu batean edo autonomia-erkidego honetako unibertsitate publiko edo pribatu batean ofizioz egiaztatuko dira Administrazioak duen informazioarekin erkatuta. Ezin badira datuak ofizioz egiaztatu, eskatzaileak dagokion ikastetxeak emandako ziurtagiria aurkeztu beharko da.

d) Azaroaren 9ko 290/2010 Dekretuaren 25. artikulua araberako terrorismoren biktime diren eskatzaileek dagokien Biktimen eta Giza Eskubideen Zuzendaritzak edo antzeko erakundek egindako egiaztatzea aurkeztu behar dute, 2019an eguneratua.

e) EAEko kanpoko Hizkuntza Eskola Ofizialetako ikasle ofizialek aurkeztu beharko dute haien eskolako ziurtagiria eta horretan adierazi behar da ofizialak direla dagokion hizkuntzan.

f) Hezkuntza-premia bereziak dituzten pertsonen eskoletarako edo/eta azterketarako laguntza eskaria egin badute eskabide orrian gaurkotutako mediku edo urritasun agiria aurkeztu beharko dute. Ez badute hori jakinarazten, ez zaie curriculum-laguntzarik edo ebaluazio-probak egiteko behar duten laguntzarik bermatuko.

Ebazpen honen bigarren xedapen gehigarrian adierazitako moduan ere aurkeztu ahal izango da 10. atalean aipatzen den dokumentazioa.

Eskabidean alegatutako eta eskabideak aurkezteko epea bukatzen den egunera arte egindako dokumentazioa baino ez da barematuko.

4. artikulua.- Onartutako eta baztertutako lagunen behin-behineko zerrendak.

1.- Ebazpen honetako I. Eranskinean finkatutako egutegia kontuan izanik, interesdunek ikasgunean kontsultatu ahal izango dituzte <https://ikasgunea.euskadi.eus> onartutako eta baztertutako lagunen behin-behineko eta behin betiko zerrendak; eskatzaileak barematu behar direnean, lortutako puntuak adieraziko dira, eta inor baztertuz gero, zergatik geratu den kanpoan. Ezin izanez gero egin ikasgunearen bitartez gero, eskaera egin duten eskolaren idazkaritzan ere egongo da kontsulta egiterik.

2.- Behin-behineko zerrenden kontrako erreklamazioak Ikasgunearen bidez aurkeztu ahal izango dira, erantsitako egutegian adierazitako epeetan. Erreklazio-inprimakia Sailaren web gunean eta Hizkuntza Eskolan bertan ere izango da, erreklamazioa eskaera egin den eskolako idazkaritzan bertan aurkeztuko den kasuetarako.

3.- Behin betiko zerrenden kontrako errekursoak hilabetean aurkeztu beharko zaizkio Hezkuntzako lurralde-delegatuari: Eskola zein lurraldetakoa izan, lurralde horretako delegatuari.



5. artikulua.- Prezio publikoa ordaindu eta matrikula formalizatzea.

1.- Matrikula formalizatzeko, prezio publikoa ordaindu beharko du onartutako lagunak (72,36€). Matrikularen zenbatekoa, berriz, Hezkuntza, Hizkuntza Politika eta Kulturako sailburuak Saileko zerbitzu publikoak finkatzeko ematen duen Aginduan zehazten da.

2.- Erantsitako egutegian adierazten den epean ordaindu beharko da matrikula telematikoki, Ikasgunearen bidez, eta 2013ko uztailaren 3ko Aginduaren 7. artikuluko 2. atalean adierazitako moduan. Ordainketa tramitzatzeko Internet bidez gorabeherarik edo zailtasunik dutenek Hizkuntza Eskola Ofizialera jo beharko dute, jendearentzako arreta-ordutegian, zein Eskolatan matrikulatu nahi duten, Eskola horrexetara joan beharko dute, lagundu diezaieten edo izapide horiek modu telematikoan egiteko baliabide materialak utz diezazkieten.

3.- 2013ko uztailaren 3ko Aginduaren 7. artikuluan xedatutakoaren arabera, prezio publikoa epean eta forman ordaindu ezean, ikasle modura onartzeko eskubidea galduko da, eta tokia hutsik geratuko da.

6. artikulua.- Lehenengo fasearen ondoren tokiak esleitzea.

1.- 2019ko urriaren 8an esleituko dira lehenengo fasean hutsik geratuko diren tokiak.

2.- 2013ko uztailaren 3ko Aginduaren 20. artikuluko 2. atalaren arabera, esleipen-aldi honetan lagun hauek parte hartuko dute, lehentasun-ordena honen arabera:

a)Lehenengo fasean parte hartu, eta baldintzak bete arren, tokirik gabe geratu direnak eta 2013ko uztailaren 3ko Aginduaren 6. artikuluko 4. atalean azaltzen den itzarote-zerrendako lagunak. Egoera horretan egongo diren pertsonak eskaeran aukeratutako ordutegia eta eskola aldatu ahal izango dute. Aldaketa horiek egiteko epea urriaren 3ko 13:00etan bukatuko da.

b)Maila berean matrikulatuta gehienez ere egin daitezkeen kurtso guztiak agortuta dauzkatenak, baldin eta ezohiko matrikula egiteko eskatu eta lortu badute; matrikula berezi hori egiteko aukera 2013ko uztailaren 3ko Aginduaren 13. artikuluko 3. ataleko b) idatz-zatiko azken paragrafoan azaltzen da.

c)Baldintzak bete arren, eskabidea epez kanpo aurkeztu dutenak.

3.- Bigarren fasean parte hartzeko, ez da beste eskabiderik egin behar, salbu aurreko b) idatz-zatian azaltzen den matrikula berezia egin behar denean; hori, berriz, Ebazpen honetako I. eranskinean agertzen den epean eskatu beharko da.

4.- Matrikula formalizatzeko, prezio publikoa ordaindu beharko da urriaren 8tik 14ko 24:00ak arte, eta 2013ko uztailaren 3ko Aginduaren 7. artikuluan adierazitako moduan.

Urriaren 16an, 10etatik aurrera, behin-behineko matrikula ordainketaren egoera argitaratuko da Ikasgunean. Erreklamazio epea urriaren 16tik 17ra izango da, 24:00ak arte. Urriaren 18an, 10:00etatik aurrera, ordainketaren behin betiko egoera argitaratuko da, erreklamazioak aztertu ondoren.

Urriaren 21ean hutsik gera diren plazak argitaratuko dira eskala bakoitzeko web gunean, aurrez aurreko esleipena egiteko.



5.- Tokien aurrez aurreko esleipena urriaren 22tik 25era izango da. Plaza libreen esleipenaren ordutegia eskola bakoitzak argitaratuko du bere web orrian. Itxaron zerrendan dauden ikasleek lehentasuna izango dute. Esleipena horren ordaintzeko epea urriaren 22tik 28ra, 15:00ak arte, izango da.

7. artikulua.- Onartze prozesuaren ondoren hutsik geratutako tokiak esleitzea.

1.- Aurrez aurreko esleipena egin ostean toki hutsik geratuz gero, Eskola bakoitzaren Zuzendaritzak esleitu ahal izango ditu, urriaren 30etik 2020ko urtarrilaren 31 arte.

2.- Plaza lortzen dutenek prezio publikoa ordaindu beharko dute.

Artículo 8.– Datu pertsonalak babestea.

Organo kudeatzaileek eskabideetan eskuratutako datu pertsonalak honako prozedura hau antolatzeko erabiliko dituzte: 2019-2020 ikasturtean, Euskal Autonomia Erkidegoko Hizkuntza Eskoletako plazak esleitzeko eta matrikulak egiteko prozedura, zeinaren arduradun baitira organo kudeatzaile horiek. Hori guztia, Datu Pertsonalak Babesteari buruzko Erregelamendu Orokorrean eta Datu pertsonalak babesteari eta eskubide digitalak bermatzeari buruzko abenduaren 5eko 3/2018 Lege Organikoan ezarritakoa betetzeko.

Gainera, esleipen-prozesuan parte-hartzaileei buruz sortzen diren informazio eta zerrendak ikasgunean kontsultatu ahal izango dira, baina ezingo dira argitaratu iragarki-oholetan.

Interesdunek datuak eskuratzeko, zuzentzeko, ezerezteko eta transferitzeko eskubideak baliatu ahal izango dituzte, bai eta datuak tratatuak izateko mugak ezartzeko eta tratamenduaren aurka egiteko eskubidea ere. Horretarako, idazki bat igorri behar dute Hezkuntza Saileko Ikastetxe eta Plangintza Zuzendaritzara (Donostia kalea 1, 01010 Vitoria-Gasteiz).

9. artikulua.- Azterketako proben egutegia.

Ebazpen honen babesean dagoen ikasleentzako idatzizko azterketen proben egutegia finkatzen da, deialdi ohikoa eta ez ohikoarena.

Egutegi hori Ebazpen honetako **II. Eranskinean** dago.

10. artikulua.- Probak egitean ikasleak kanporatzea.

Epaimahaiek ahalmena izango dute ikasle bati probak egiteko aukera kentzeko eta probak egiten ari diren esparrutik kanporatzeko, baldin eta ikasle horrek azterketak egiten ari dela iruzurrezko edozein ekintza egiten badu edota gainerako parte-hartzaileekiko jokaera desegokia edo gogaikarria baldin badu.

Lehenengo xedapen gehigarria.- Eskabideak modu telematikoa aurkezten eta prezio publikoak ordaintzen laguntzea.

1.- Eskabidea modu telematikoa (Internet bidez) betetzeko edo prezio publikoa ordaintzeko gorabeherarik edo zailtasunik dutenek Hizkuntza Eskola Ofizialera jo beharko dute, lagundu diezaieten edo izapide horiek modu telematikoa egiteko baliabide materialak utz diezazkieten. Zein Eskolatan matrikulatu nahi duten, Eskola horretara joan beharko dute, jendearentzako arreta-ordutegian eta eskabideak aurkezteko edo prezio publikoa ordaintzeko epean.



2.- Modu telematikoan arazorik edo zailtasunik izatearren kanpoan geratutako lagunek zerrenden kontrako erreklamaziorik egin behar izanez gero, Eskolako ziurtagiria aurkeztu beharko dute, adierazteko pertsona horrek epe barruan jo zuela dagokion Eskolara, zailtasun horiek gainditzeko.

3.- Horrelako gorabeherarik izan ez dadin, beti gomendatzen dugu ez atzeratzea epe-amaierara arte izapide telematiko horiek egiteko lanak.

Bigarren xedapen gehigarria.- Dokumentuak eta idazkiak paperean aurkeztea.

1.- Zein Hizkuntza Eskolatan matrikulatu nahi den, Eskola horretako zuzendariari zuzendu beharko zaizkio paperean aurkeztu beharreko agiriak (Ebazpen honetako 3. artikuluko 7. atalean zehazten direnak) eta matrikula bereziko eskabideak -6. artikuluko 2. ataleko b) idatz-zatia eta lehenengo xedapen gehigarriko 2. atala- Agiri horiek Hizkuntza Eskolatako bulegoetan aurkeztuko dira, hain zuzen ere helbide hauetan:

- Vitoria-Gasteizko Hizkuntza Eskola Ofiziala: Lasarte errepidea, 21A, Vitoria-Gasteiz.
- Donostiako Hizkuntza Eskola Ofiziala: Bizkaia ibilbidea, 22; Donostia.
- Eibarko Hizkuntza Eskola Ofiziala: Jardíñeta, 3; Eibar.
- Irungo Hizkuntza Eskola Ofiziala: Alcaldía de Sacas, 13; Irun.
- Tolosako Hizkuntza Eskola Ofiziala: Paper kalea, 1-3; Tolosa
- Ordiziako Hizkuntza Eskola Ofiziala: Barrena parkea, z/g; Ordizia.
- Bilboko Hizkuntza Eskola Ofiziala: San Pedro plaza, 5; Bilbo.
- Getxoko Hizkuntza Eskola Ofiziala: Eskoletako enparantza, z/g; Getxo.
- Durangoko Hizkuntza Eskola Ofiziala: Zubiareta, 1; Durango.
- Barakaldoko Hizkuntza Eskola Ofiziala: Juan de Garay kalea, z/g; Barakaldo.
- Bermeoko Hizkuntza Eskola Ofiziala: Zubiaur tar Kepa, 72; Bermeo.
- Basauriko Hizkuntza Eskola Ofiziala: Bentako plaza, 1; Basauri.
- Zallako Hizkuntza Eskola Ofiziala: La Inmaculada, 15 bis; Zalla.
- Santurtziko Hizkuntza Eskola Ofiziala: José Miguel de Barandiarán, 12; Santurtzi.

Zuzenean Zerbitzuko bulegoetan ere aurkeztu ahal izango dira, helbide hauetan:

- Araba: Ramiro de Maeztu kalea, 10 beheka, Vitoria-Gasteiz.
- Bizkaia: Kale Nagusia, 85; Bilbo.



- Gipuzkoa: Andia 13; Donostia.

Era berean, urriaren 1eko 39/2015 Legeak, Herri Administrazioen Araubide Juridikoaren eta Administrazio Prozedura Erkidearenak, 16.4 artikuluan zehaztutako edozein lekutan ere aurkez daitezke eskabideak, lege horretan ezarritako baldintzatan. Posta-zerbitzuko bulegoren batean aurkeztu nahi bada eskabidea, kartazal irekian aurkeztu beharko da, eta zerbitzu horretako funtzionarioak eguna eta zigilua jarri beharko dizkio, kartazala egiaztatu aurretik. Horrela egin ezean, helburuko bulego publikoan duen sarrera-eguna joko da sarrera-eguntzat.

2.- Ebazpen honetako 3. artikuluko 7. atalean adierazten den dokumentazioa aurkezteko, jatorrizko dokumentuaren fotokopia aurkeztu beharko da. Fotokopia eta jatorrizko dokumentua bat datozela egiaztatu beharko du baimendutako notario batek; bestela, fotokopia konpultsatu beharko du Hizkuntza Eskola Ofizialeko bulegoak edo erregistro nagusiak edo laguntzaileak, beti ere apirilaren 29ko 72/2008 Dekretuko 17. artikulua araberak (72/2008 Dekretua, Euskal Autonomia Erkidegoko Administrazio Orokorraren eta bere erakunde autonomiadunen erregistroen sorrera, antolaketa eta funtzionamenduari buruzkoa; 2008-05-30eko EHAA).

3.- Ebazpen honetako 3.artikulua 10.atalean aipatzen den dokumentazioa ikasgunearen bidez aurkezten bada, eskolak dokumentu originala aurkeztea eskatu ahal izango du konpultza egiteko.

Azken xedapenetan lehenengoa. Ondorioak.

Ebazpen honek ondorioak izango ditu Hezkuntza Saileko web orrian argitaratzen denean. Bertan mantenduko da, eranskinekin batera, deitutako prozedura amaitu arte eta hura betetzeko errekurtsio-epeak igaro arte.

Azken xedapenetako bigarrena. Errekurtsoak.

Ebazpen honen aurka, gorako errekurtsioa jarri ahal izango zaio Hezkuntzako sailburuordeari hilabeteko epean, Hezkuntza Saileko web orrian argitaratu eta hurrengo egunetik aurrera.

Vitoria-Gasteiz, 2019ko uztailaren 15a

Eugenio Jiménez Ibáñez
IKASTETXE ETA PLANGINTZA ZUZENDARIA



I. ERANSKINA

EUSKAL AUTONOMIA ERKIDEGOKO HIZKUNTZA ESKOLA OFIZIALETAN IKASLEAK ARAUBIDE OFIZIALEAN ONARTU ETA MATRIKULATZEKO PROZESUAREN EGUTEGIA, 2019/2020 IKASTURTEA.

1.- Plazak esleitzeko lehen fasea:

Eskaerak betetzea	Irailaren 1etik 18ra, biak barne, 13:00ak arte
Eskaerak betetzea, aurreko ikasturtean ikasleak izan direnak eta ekainean gainditu ez dutenak edota ekainean aurkeztu ez direnak	Irailaren 15etik 18ra, biak barne, 13:00ak arte
Dokumentazioa aurkeztea	Irailaren 18ra arte, 13:30ak arte
Onartutako eta baztertutakoen behin-behineko zerrendak	Irailaren 21ean, 10:00etatik aurrera
Erreklamazioak aurkeztea	Irailaren 21etik 23ra, 14:00ak arte
Onartutako eta baztertutakoen behin betiko zerrendak	Irailaren 25ean, 10:00etatik aurrera
Ordaintzeko epea	Irailaren 25etik 30era, 24:00ak arte.
Ordainketa ez egiteagatik baztertutakoen behin-behineko egoera	Urriaren 2an, 10:00etatik aurrera
Erreklamazioak aurkeztea	Urriaren 2tik 3a arte
Ordainketa ez egiteagatik baztertutakoen behin betiko egoera	Urriaren 4an, 10:00etatik aurrera

2.- Plazak esleitzeko bigarren fasea: Fase honetan lehenengoan hutsik geratuko diren plazak beteko dira, hurrenkera honetan:

1.- Lehenengo esleipenean plazarik gabe geratu direnen artean. Zuzenean sartzen dira bigarren fasean.

2.- Salbuespeneko matrikula eskatzen dutenen artean.

3.- Lehen faseko matrikula epea bukatu ondoren (irailaren 18tik aurrera) eskabidea aurkeztu dutenen artean.

Salbuespenetzko matrikula eskabideak (1)	Irailaren 18tik, 13:00etatik, urriaren 3a arte, 13:00ak arte
Bigarren fase honetan libre geratu diren plazak betetzeko eskabideak(2)	Irailaren 18ko 13:00etatik urriaren 3ra, biak barne, 13:00ak arte
Dokumentazioa aurkeztea (1 eta 2)	Urriaren 4ko 13:30ak arte
Plaza hutsak esleitzea	Urriaren 8an
Ordaintzeko epea	Urriaren 8tik urriaren 14ko 24:00ak arte.
Ordainketa ez egiteagatik baztertutako pertsonen behin-behineko egoera	Urriaren 16ean, 10:00etatik aurrera



Erreklamazioak aurkeztea	Urriaren 16tik 17ra
Ordainketa ez egiteagatik baztertutako pertsonen behin betiko egoera	Urriaren 18an, 10:00etatik aurrera
Plaza hutsak argitaratzea. Aurrez aurrekoa	Urriaren 21ean

3.- Aurrez aurreko esleipena: Eskolan bertan egingo da. Libre geratu diren plazen esleipenaren ordua eskola bakoitzak bere web gunean zintzilikatuko du.

Aurrez aurreko esleitzea	Urriaren 22tik 25era
Ordaintzeko epea	Urriaren 22tik 28ko 15:00ak arte
Libre geratutako plazak edota libre geratuko direnak	Urriaren 31tik 2020ko urtarrilaren 31 arte



II. ERANSKINA

EUSKAL AUTONOMIA ERKIDEGOKO HIZKUNTZA ESKOLA OFIZIALETAN IKASLEEK ARAUBIDE OFIZIALEAN DAUZKATEN OHIKO ETA EZOHIKO DEIALDIEN AZTERKETEN EGUTEGIA. 2019-2020 DEIALDIA

HIZKUNTZA	MAILA	OHIKO DEIALDIA	EZ OHIKO DEIALDIA
ALEMANA	OINARRIZKO M. (A2)	2020/05/25	2020/09/07
	TARTEKO M. (B1)	2020/05/25	2020/09/07
	TARTEKO M. (B2)	2020/05/25	2020/09/07
	M. AURRERATUA(C1)	2020/05/25	2020/09/07

ATZERRITARREN TZAKO ESPAINIERA	OINARRIZKO M. (A2)	2020/05/27	2020/09/08
	TARTEKO M. (B1)	2020/05/27	2020/09/08
	TARTEKO M. (B2)	2020/05/26	2020/09/08
	M. AURRERATUA(C1)	2020/05/26	2020/09/08

EUSKARA	OINARRIZKO M. (A2)	2020/05/21	2020/09/03
	TARTEKO M. (B1)	2020/05/21	2020/09/03
	TARTEKO M. (B2)	2020/05/18	2020/09/03
	M. AURRERATUA(C1)	2020/05/21	2020/09/03

FRANTSESA	OINARRIZKO M. (A2)	2020/05/22	2020/09/04
	TARTEKO M. (B1)	2020/05/22	2020/09/04
	TARTEKO M. (B2)	2020/05/22	2020/09/04
	M. AURRERATUA(C1)	2020/05/22	2020/09/04



HIZKUNTZA	MAILA	OHIKO DEIALDIA	EZ OHIKO DEIALDIA
INGELESA	OINARRIZKO M. (A2)	2020/05/19	2020/09/02
	TARTEKO M. (B1)	2020/05/20	2020/09/02
	TARTEKO M. (B2)	2020/05/15	2020/09/02
	M. AURRERATUA(C1)	2020/05/19	2020/09/02

ITALIERA	OINARRIZKO M. (A2)	2020/06/02	2020/09/01
	TARTEKO M. (B1)	2020/06/02	2020/09/01
	TARTEKO M. (B2)	2020/06/01	2020/09/01
	M. AURRERATUA(C1)	2020/06/01	2020/09/01

PORTUGESA	OINARRIZKO M. (A2)	2020/05/18	2020/09/09
	TARTEKO M. (B1)	2020/05/20	2020/09/09
	TARTEKO M. (B2)	2020/06/04	2020/09/09
	M. AURRERATUA(C1)	2020/06/04	2020/09/09

ERRUSIERA	OINARRIZKO M. (A2)	2020/06/05	2020/09/09
	TARTEKO M. (B1)	2020/06/03	2020/09/09
	TARTEKO M. (B2)	2020/06/05	
	M. AURRERATUA(C1)	2020/06/03	

Dagokion Hizkuntza Eskola Ofizialean kontsultatu ordutegiak eta ahozko azterketen datak.